



## Rheolau a'r Rheoliadau

Drwy fynd i mewn i'r Parc rydych yn cytuno i gadw at y rheolau a'r rheoliadau canlynol, bydd methu â chydymffurfio yn golygu y gallech gael eich gwahardd o'r Parc a bod yn destun camau pellach gan gynnwys erlyn.

Mae'r rheolau hyn yn berthnasol i'r Parc a'r traeth oni bai y nodir yn wahanol.

### Diffiniadau

Ystyr "Parc" yw Parc Gwledig Pen-bre, Pen-bre, Sir Gaerfyrddin.

Ystyr "traeth" yw'r traeth ym Mharc Gwledig Pen-bre, sef Traeth Cefn Sidan.

Ystyr "Cyngor" yw Cyngor Sir Gaerfyrddin.

### Telerau ac Amodau'r Ffi Fynediad a'r Tocyn Tymor

Os bydd y Cyngor yn cyflwyno tocynnau tymor neu'n cyflwyno system adnabod plât rhif, drwy brynu tocyn tymor mae'n rhoi'r hawl i'r defnyddiwr gofrestru 2 rif cofrestru cerbyd sydd wedi'u cofrestru yn yr un cyfeiriad a gall y Cyngor ofyn am dystiolaeth resymol i gadarnhau bod y cerbydau'n perthyn i'r un cyfeiriad. Bydd methu â darparu cadarnhad yn arwain at ddileu un rhif cofrestru yn awtomatig. Caniateir i'r rhai sy'n prynu tocyn tymor newid y cofnod o rif cofrestru'r cerbydau hyd at 3 gwaith yn ystod unrhyw gyfnod o flwyddyn yn rhad ac am ddim.

Dim ond un cerbyd fydd yn cael ei ganiatáu am ddim i'r Parc ar unrhyw un adeg. Os bydd y ddau gerbyd yn mynd i mewn i'r Parc ar yr un pryd, codir tâl ar yr ail gerbyd ar y gyfradd briodol ar gyfer ymweliad, bydd methu â chadw at y telerau yn golygu bod un cerbyd yn cael ei ddileu o gofnod y drwydded.

Mae Tocyn Tymor i'w ddefnyddio gan un aelwyd yn unig ac mae'n rhaid datgan y cerbydau ar adeg prynu'r tocyn. Ni ellir trosglwyddo na ad-dalu tocynnau tymor mewn unrhyw amgylchiadau. Nid yw tocynnau tymor yn darparu mynediad na thaliad ar gyfer unrhyw gyfleuster neu weithgaredd o fewn y Parc neu'r traeth.

Dim ond yn ystod oriau agor y parc y caniateir mynediad i barciau, mae'r rhain i'w gweld ar y prif fwrdd wrth i chi ddod i mewn i'r parc. Gall y rhain newid heb rybudd ac maent yn wahanol yn dymhorol.

### Sioeau Cyhoeddus a Pherfformiad a Digwyddiadau

Ni chaniateir i neb gynnal sioe gyhoeddus, perfformiad ac ni ellir cynnal unrhyw ddigwyddiadau yn y Parc heb ganiatâd ysgrifenedig datganedig y Cyngor.

### Cloddio

Gwaherddir cloddio yn y Parc ac yn y twyni tywod yn llwyr.





### **Datgelu Metal**

Gwaherddir datgelu metel ar y traeth ac yn y Parc.

### **Gwaredu eitemau o'r parc**

Ni chaiff neb waredu na dadleoli unrhyw eitem o'r Parc na'r traeth e.e. pren, tywod, cerrig, bywyd gwyllt, planhigion heb awdurdod ysgrifenedig datganedig y Cyngor.

### **Aros Dros Nos**

Ni chaniateir aros dros nos ar y Parc na'r traeth oni bai bod hyn wedi'i archebu drwy'r trefniadau archebu gwersylla a charafanio neu oni bai bod hyn yn rhan o ddigwyddiad a drefnir. Pan fydd aros dros nos yn cael ei awdurdodi, yna bydd gofyn i ymwelwyr barcio yn yr ardaloedd a ddynodwyd gan y Cyngor.

### **Tanau a Barbeciwiau**

Ni chaniateir tanau agored ar unrhyw adeg yn y Parc na'r traeth. Ni chaniateir defnyddio barbeciwiau tafladwy yn y Parc oni bai eu bod yn 300mm (1 droedfedd) oddi ar y llawr oherwydd eu bod yn llosgi glaswellt ac yn achosi perygl. Mae'n rhaid gwaredu Barbeciwiau a chynnwys Barbeciwiau o'r Parc a gwneud hynny yn y modd cywir. Rhaid iddynt beidio â chael eu claddu. Mae Barbeciwiau a thanau wedi'u cyfyngu i'r manau agored yn unig ac wedi'u gwahardd yn llwyr o ardal y coetir. Os bydd llwch yn difrodi cerbydau neu eiddo cwsmeriaid eraill, bydd angen i'r mater gael ei ddatrys rhwng y partion dan sylw ac ni fydd y Cyngor yn gyfrifol am y mater.

Ni chaniateir Barbeciwiau a thanau ar y traeth ar unrhyw adeg.

### **Talu am Geir**

Bydd gofyn i chi dalu am fynd i mewn i'r Parc gyda cherbyd modur. Dim ond mewn rhai ardaloedd dynodedig penodol y caniateir cerbydau ac ni chaniateir cerbydau ar y traeth oni bai bod ganddynt drwydded traeth. Mae'r awdurdod yn cadw'r hawl i bennu taliadau a diwygio taliadau heb roi rhybudd ymlaen llaw. Os na fyddwch yn talu'r tâl parcio ar unrhyw ymweliad, bydd gofyn i chi dalu'r tâl llawn am yr ymweliad hwnnw. Mae'r Cyngor yn cadw'r hawl i adennill y costau sy'n gysylltiedig â chasglu'r taliad sy'n weddill sef isafswm ffi o £20.

### **Cosbau**

Bydd methu â chydymffurfio â'r rheolau hyn yn golygu y gellir gofyn i chi adael y Parc neu'r traeth ar unwaith a gall olygu y gwrthodir mynediad yn y dyfodol.

Os byddwch yn achosi difrod o unrhyw fath, bydd gofyn i chi dalu am y difrod ynghyd ag unrhyw gostau sy'n deillio o'r difrod neu sy'n gysylltiedig ag ef, gan gynnwys unrhyw ffioedd gweinyddu a phroffesiynol fel costau cyfreithiol.

### **Cŵn ac Anifeiliaid**





Caniateir dod ag anifail (ac eithrio anifail gwyllt peryglus fel y'i diffinnir o dan Ddeddf Anifeiliaid Gwyllt Peryglus 1976 fel y'i haddaswyd neu ei diwygiwyd) i'r parc ar yr amod y bydd y perchennog neu'r person sy'n gyfrifol am anifail o'r fath yn ei gadw dan reolaeth agos neu ar dennyn byr.

Pan fydd ci yn baeddu yn y parc, mae'n rhaid i'r person sy'n rheoli'r ci roi'r gwastraff mewn bin priodol sydd wedi'i leoli yn y parc neu ei waredu o'r parc. Bydd ymwelwyr yn cael eu hannog i roi gwybod am faw cŵn nad yw'n cael ei glirio. Mewn achos lle rhoddir gwybod i'r Cyngor am gi yn baeddu, bydd yn cymryd y camau angenrheidiol yn erbyn y perchennog neu'r person sy'n rheoli'r ci.

Mae'n rhaid i gŵn gael eu rhoi ar dennyn sydd heb fod yn fwy na dau fetr o hyd pan roddir cyfarwyddyd iddynt wneud hynny gan swyddog awdurdodedig y Cyngor. Byddwch chi ond yn cael cyfarwyddyd i roi eich ci ar dennyn os ystyrir bod eich ci yn achosi niwsans neu berygl i bobl eraill neu anifeiliaid eraill.

Ni chaniateir cŵn mewn mannau chwarae caeedig i blant yn y parc nac unrhyw ardaloedd eraill a ddynodwyd i'w defnyddio gan blant.

Ni chaniateir i unrhyw anifail sy'n dod i mewn i'r parc: -

- boeni unrhyw anifeiliaid neu adar;
- mynd i mewn i unrhyw byllau yn y parc
- ; • difrodi neu ddinistrio unrhyw flodau, planhigion, coed, glaswellt neu lwyni;
- mynd i mewn i unrhyw ardal chwarae ddynodedig;
- gwylltio defnyddwyr eraill y parc.

Ni ddylid gadael anifeiliaid dan reolaeth plant bach. Mae'n rhaid i anifeiliaid fod dan reolaeth person cyfrifol sy'n gallu rheoli'r anifail ar bob adeg.

Nid oes hawl gan unrhyw un hyfforddi na rasio unrhyw gŵn yn y parc yn y fath fodd fel ei fod yn gwylltio neu'n achosi pryder i ddefnyddwyr eraill y parc.

Gwaherddir cŵn ar y traeth yn unol ag is-ddeddf leol a dyfarniadau eraill e.e. gwobr baner las a rhaid cadw at y rhain. (1 Mawrth tan 30 Medi)

### **Sbwriel/Gwastraff**

Nid oes hawl gan unrhyw un ollwng sbwriel o unrhyw fath yn y Parc a'r Traeth heblaw yn y biniau a ddarperir.

Fe'ch anogir i fynd â'ch gwastraff gartref gyda chi ond lle nad yw hyn yn bosibl mae'n rhaid rhoi unrhyw sbwriel yn y cynwysyddion a ddarperir. Mae'n rhaid gwaredu'r holl sbwriel/gwastraff o'r traeth.

Mae gollwng sbwriel yn drosedd ac mae perygl i chi gael eich erlyn am wneud hynny.





### **Dronau**

Ni chaniateir dronau ac awyrennau hedfan a reolir o bell heb ganiatâd ysgrifenedig gan y Cyngor.

### **Barcutiaid**

Caniateir barcutiaid plant a chaniateir barcutiaid chwaraeon mewn ardaloedd dynodedig gyda chaniatâd y Cyngor.

### **Hysbysebu**

Ni chaniateir hysbysebu ym Mharc Gwledig Pen-bre, mae hyn yn cynnwys posteri, taflenni a baneri. Ni chaniateir hyrwyddo cynnyrch, brand neu wasanaeth i wylwyr er mwyn denu diddordeb, ymgysylltiad a gwerthiant.

### **Terfynau Cyflymder**

Mae'n rhaid i bob cerbyd sy'n dod i mewn i'r parc sicrhau bod ganddynt drwydded ac yswiriant ac unrhyw dystysgrif arall sy'n ofynnol ar gyfer y math o gerbyd dan sylw. Wrth fynd i mewn i'r Parc rydych yn cytuno i gadw at y terfynau cyflymder o 15mya. Gwaherddir mynediad i'r traeth gyda cherbyd oni bai bod gennych drwydded traeth neu os oes angen i chi gael mynediad i'r traeth fel gwasanaeth brys neu mewn rôl swyddogol e.e. RNLI, Yr Heddlu.

Ni chaniateir i unrhyw un yrru unrhyw gerbyd ar y parc ac eithrio ar ffyrdd a grëwyd gan y Cyngor at y diben hwnnw neu ardaloedd glaswelltog sydd wedi'u dynodi ar gyfer parcio. Nid yw'r rheol hon yn berthnasol i unrhyw gerbyd a weithredir gan y Cyngor mewn cysylltiad â chynnal a chadw'r parc.

Mae'n rhaid i yrrwr cerbyd ildio bob amser i gerddwyr a beicwyr.

### **Sŵn/Ymddygiad Gwrthgymdeithasol/Fandaliaeth**

Ni oddefir fandaliaeth a/neu ymddygiad gwrthgymdeithasol, rhegi, ymddygiad ymosodol geiriol neu gorfforol a lle bo'n briodol bydd achosion o hyn yn cael eu hadrodd i'r Heddlu. Ni chaniateir drylliau tanio ac arfau yn y Parc na'r traeth.

Ni ddylai neb: -

- chwarae unrhyw offeryn cerdd;
- canu;
- perfformio;

heb gydsyniad y Cyngor

Ni ddylai neb:-

- chwarae radio, teledu, recordydd tâp, chwaraewr cryno ddisgiau, chwaraewr DVD, chwaraewr mp3 neu chwaraewr cerddoriaeth neu gyfryngau arall;





- defnyddio unrhyw chwyddseinydd, megaffon neu gyfarpar tebyg neu unrhyw ddyfais arall sy'n chwarae cerddoriaeth neu'n gwneud sŵn mewn modd sy'n gwylltio neu'n achosi aflonyddwch i ddefnyddwyr eraill y Parc neu'r traeth oni bai ei fod yn ddigwyddiad wedi'i drefnu ymlaen llaw ac wedi'i gytuno gyda'r Cyngor.

### **Noethlymuniaeth**

Ni chaniateir noethlymuniaeth yn y Parc na'r traeth.

### **Ffilmio (ac eithrio at ddefnydd personol)**

Gwaherddir ffilmio ac eithrio at ddefnydd personol. Lle mae angen ffilmio at unrhyw ddiben arall, bydd angen caniatâd ysgrifenedig y Cyngor. Ni chaniateir ichi ddefnyddio unrhyw recordiau a/neu'n cynnwys mewn unrhyw ddarlledu byw, ffurf sain a/neu fideo heb ganiatâd ysgrifenedig gan y Cyngor ymlaen llaw.

### **Beiciau**

Mae'n rhaid i unrhyw berson sy'n reidio beic, sgwter, sglefrwrdd, sglefroliau, llafnroliau neu offer tebyg yn y Parc wneud hynny mewn modd cyfrifol. Mae'n rhaid i'r rhai sy'n ddarostyngedig i'r rheol hon beidio â theithio ar gyflymder neu mewn modd neu fan sy'n anafu, yn tarfu, yn rhwystro, yn torri ar draws neu'n gwylltio unrhyw berson arall.

Ni chaniateir defnyddio sgwteri trydan yn y Parc. Maent yn anghyfreithlon o dan gyfraith bresennol y DU.

### **Beiciau Modur a Beiciau Cwad a Beiciau Tair Olwyn (Oddi ar y Ffordd)**

Gwaherddir beiciau modur, beiciau cwad a phob math o gerbyd oddi ar y ffordd arall rhag defnyddio unrhyw ran o'r Parc nad yw'n hygyrch i gerbydau modur cyffredin ac sydd heb fod ag hawl mynd ar y traeth.

Mae'n rhaid i ddefnyddwyr a pherchnogion beiciau modur, beiciau cwad a cherbydau oddi ar y ffordd eraill sicrhau bod ganddynt drwydded ac yswiriant ac unrhyw dystysgrif arall sy'n ofynnol ar gyfer y math o gerbyd dan sylw.

Nid yw'r uchod yn berthnasol i'r gwasanaethau brys na swyddogion y Cyngor.

Masnachu (heb drwydded na phrydles) Ni chaniateir i chi gynnig gwerthu na gosod na llogi unrhyw nwyddau na darparu unrhyw wasanaethau yn y parc na'r traeth, hysbysebu na chanfasio yn y Parc nac ar y traeth.

### **Ceffylau**

Ni chaniateir i chi ddod â cheffyl neu geffylau i'r Parc nac i ardaloedd dynodedig o'r traeth oni bai eich bod yn rhan o ddigwyddiad marchogaeth wedi'i drefnu a gymeradwywyd gan y Cyngor.





### **Ysmygu yn y mannau chwarae**

Ni chaniateir ysmygu mewn mannau chwarae i blant.

### **Gwarchod Anifeiliaid, Adar a Hela**

Ni chaniateir saethu e.e. peli paent, saethu â reiffl, reifflau aer a thrapio neu unrhyw fath o hela e.e. ffuredau, cŵn yn y Parc nac ar y traeth. Mae'r Cyngor yn cadw'r hawl i ganiatáu saethu fel rhan o ddigwyddiad wedi'i drefnu gyda chaniatâd ysgrifenedig ymlaen llaw.

Nid chaniateir i neb symud, tarfu na dinistrio unrhyw nythod neu wyau adar gwyllt na niweidio, gwaredu, lladd na hela unrhyw anifail neu aderyn gwyllt.

Ni chaniateir i neb osod na defnyddio unrhyw fagl neu unrhyw offeryn arall i ddal e.e. cawell neu ddulliau eraill ar gyfer cymryd, niweidio neu ladd unrhyw anifail neu aderyn gwyllt.

### **Siglenni coed a strwythurau eraill yr ydych chi wedi eu creu**

Ni chaniateir siglenni coed a strwythurau eraill yr ydych chi wedi eu creu yn y Parc nac ar y traeth.

### **Coed, Llwyni a Blodau**

Ni chaniateir i neb bigo, torri, difa, gwaredu neu ddifrodi unrhyw flodau, coed, llwyni neu blanhigion a ffyngau yn y parc na'r traeth. Mae rhai planhigion yn beryglus os cânt eu bwyta neu eu cyffwrdd. Mae'n rhaid i bob ymwelydd gymryd gofal.

### **Cyfrifoldeb y Parti neu'r Grŵp**

Mae'n rhaid i blentyn/plant o dan 14 oed, parti neu grŵp fod yng nghwmni oedolion a nhw fydd yn gyfrifol am blant o dan 16 oed yn y parti neu'r grŵp hwnnw

### **Codi Arwyddion a Hysbysiadau**

Mae'n rhaid i bob ymwelydd ymglyfarwyddo a dilyn arwyddion y Cyngor boed dros dro neu'n barhaol. O bryd i'w gilydd efallai y bydd angen cyfyngu ar fynediad i rannau o'r Parc.

Ni ddylai neb waredu neu ymyrryd ag unrhyw hysbysiad neu arwydd a osodir yn y Parc at unrhyw ddiben. Ni chaniateir i neb roi unrhyw arwydd yn y parc heb gael caniatâd ysgrifenedig gan y Cyngor yn gyntaf.

### **Cyfarfodydd**

Ni chaniateir i neb gynnal unrhyw gyfarfod cyhoeddus, gorymdaith, arddangosiad, arddangosfa, digwyddiad milwrol, seremoni grefyddol, gwasanaeth, rali wleidyddol neu ddarlith yn y parc heb ganiatâd ysgrifenedig y Cyngor ymlaen llaw.

### **Cyfleusterau a Gweithgareddau**





Ni fydd ad-daliadau mewn ffioedd parcio ceir os na fydd cyfleusterau/atyniadau ar gael. Mae'r perchennog yn cadw'r hawl i newid, addasu, canslo neu dynnu cyfleusterau/atyniadau yn ôl heb rybudd.

### **Goruchwyliaeth**

Mae'n rhaid i bob person yn y parc neu ar y traeth ddilyn cyfarwyddiadau unrhyw arwyddion a godwyd gan y Cyngor.

Mae'n rhaid i bob person yn y parc neu ar y traeth ddilyn cyfarwyddiadau swyddog o'r Cyngor. Mae hyn yn cynnwys gadael y parc pan ofynnir ichi wneud hynny a rhoi'r gorau i wneud unrhyw beth pan gewch chi gyfarwyddyd i wneud hynny.

Disgwylir i ymwelwyr ddefnyddio'r parc a'r traeth yn unol â'r rheolau a'r rheoliadau hyn a pharchu'r fflora a'r ffawna bywyd gwylt a pheidio â gwneud unrhyw beth a fyddai'n niweidiol i'r fflora a'r ffawna neu'n achosi niwsans neu aflonyddwch i ddefnyddwyr y Parc.

**Mae'r Cyngor yn cadw'r hawl i newid, addasu, ychwanegu at neu dynnu yn ôl y Rheolau a'r Rheoliadau hyn heb rybudd ymlaen llaw.**

